

義甯州志卷一

地理志

周保章氏分星辨土南斗牽牛占候自古壤隸豫章鄂岳毘輔楚尾吳味疆原膺膺因草代殊遺規未泐自

天錫義永食舊德山峭水清四百餘里隰畛積鱗梁杠錯綺蹟往風微所視所履土物斯愛智愚同軌孕秀鍾靈英奇蔚起

志地理

星野

星經南斗牽牛吳越之分為揚州翼軫楚之分為荊州熒惑主

霍山陽州荊州玉衡第四星主荊州其第六星主揚州

義甯州志

卷之一

地理志星野

春秋元命苞牽牛流為揚州分為越國軫星散為荊州

運斗樞北斗第四星曰權第五星曰衡

文耀鉤蒙山以東至南江會稽徐揚之州屬權星大別以東至

九江荊州屬衡星 論語摘輔象克豫屬上台荆揚屬下級

史記天官書斗江湖牽牛婺女揚州翼軫荊州吳楚之疆候在

熒惑占於鳥衡

漢書吳地斗分野也今之會稽九江丹陽豫章諸郡盡吳分也

楚地翼軫之分野也今之江夏武陵長沙諸郡盡楚分也

律歷志星紀初斗十二度終婺女七度鵲尾初張十八度終軫

十一度



晉天文志自南斗十二度至須女七度爲星紀於辰在丑吳越分野自張十七度至軫十一度爲鶉尾於辰在巳楚之分野又曰九江入斗一度豫章入斗十度江夏入翼十二度長沙入軫十六度

唐天文志斗牽牛星紀也初南斗九度餘千四十二秒十二太中斗二十四度終女四度翼軫鶉尾也初張十五度餘千七百九十五秒二十二太中翼十二度終軫九度

宋中興志北方七宿其精元武斗有龜蛇蟠結之象

宋史天文志北斗七星二曰璇其分爲楚四曰權其分爲吳三台六星兩兩而居西近文昌二星曰上台上台下星主荆揚

義甯州志

卷之一

地理志星野

二

天市垣東蕃十一星第六曰吳越西蕃十一星第二曰楚元史厯志黃道十二次宿度斗三度七十七分入星紀之次女二度六分入元枵之次張十五度二十六分入鶉尾之次軫十度七分壽星之次

淮南天文訓天有九野東北曰變天其星箕斗牽牛北方曰元天其星須女虛危營室東南曰陽天其星張翼軫星部地名斗牽牛越須女吳翼軫楚

月令章句自張十二度至軫六度謂之鶉尾之次楚之分野自斗六度至須女二度謂之星紀之次越之分野

星厯南斗之十度屬豫章軫之十一度屬武昌

通典揚州管斗吳之分野兼得楚及南越之交  
廣雅布度定紀布州繫象徐揚屬權星荆屬衡星  
辰次圖南斗十度吳之頭也軫十度楚之尾也

文獻通考熒惑之精散為昭日蚩尤之旗亦為昭明司危天樞  
赤彗

天文秘訣星紀初斗十一度外末女七度內於分為吳越九江  
入牛五度豫章入斗十度

續豫章記豫章之地春秋時為楚之東境據天文則吳之分野  
分野圖說斗六星二十五度吳之分野南昌入斗八度南康入  
斗四度九江入牛五度

義甯州志

卷之一

地理志星野

三

占驗附

星經玉衡第四星主荊州常以五卯日候之癸卯為長沙丁卯  
為武陵第六星主揚州常以五巳日候之乙巳為豫章癸巳  
日為九江

象緯通考斗六星二十五度天廟也亦曰天機五星貫中日月  
正道為丞相太宰之位酌政事之宜主褒進賢良稟授爵祿  
亦主兵

牛六星七度天之關梁日月五星之中道主道路關津亦主  
犧牲

翼一十二星十九度主三公化道文籍為天之樂府主禮樂

及遠方賓客之事

軫四星十七度主冢宰輔臣車騎載任

靈臺秘苑斗南二星魁天梁也中央二星天相也北二星天府  
廷也亦爲壽命之期星盛明君臣一心天下和平爵祿行暗  
小則廢宰相日月五星逆行入斗凶孛犯之兵起

牛上二星主道路次二星主關梁次二星主南蠻中一星主  
牛星明大則王道昌年穀成熟其星曲則糴糶不明失常則  
牛賤中星移上下牛多死小星立牛多疫金火犯之災水土  
守之吉

分星攷翼爲禮樂之官干羽玉帛麗焉星大明則禮修樂備上

義甯州志

卷之一

地理志星野

四

下雍穆四裔來賓動則遠使至星暗則政教失宮商乖金火  
守之爲有兵

軫爲車騎亦司樂府歌舞之事星明盛天下昌萬民康四海  
歸王動則車騎用五星犯之人民失業盜賊起

晉書農丈人星在南斗南主農正之官明則豐稔暗則荒歉  
隋天文志天淵十星在南斗南主灌溉隴畝星明爲有年金水  
守之爲水災火守之大旱 土司空四星一曰司徒居翼軫  
之間主界域及土功金火犯之民廢耕織

天文志翼軫間有十餘星曰天市星明則米價必平

宋兩朝志北斗六星曰建天之都闕也七曜之道主建爲謀事

其星動搖則人多勞 天弁九星在建星北占列肆闔闔若  
市籍之事明盛則吉彗星犯之糴貴 織女三星在天紀東  
端天女也司果瓜絲綿織紝其星怒生芒角布帛貴三星齊  
明女紅善暗而微機杆不修 軫南二十二星曰器府主樂  
器星明則樂律調

通志天文畧熒惑南方夏火禮也視也禮虧視失逆夏令傷火  
氣罰見熒惑

七政占候熒惑主楚吳越以南又主大鴻臚司空司馬又爲理  
外則理兵內則理政其出色赤逆行成句已凶芒大則人民  
怨

義甯州志

卷之一

地理志星野

五

渾天儀說熒惑爲執法之官其精爲風伯之師

晉書五星盈縮失位其精降於地爲人熒惑降爲兒童歌謠嬉  
戲

中興天文志五星循軌順行天下又甯年穀順成犯闔變色爲  
災爲兵吉凶之應太白爲甚熒惑爲尤甚蓋熒惑火也性烈  
而不常又爲執法之官故其效尤亟也

星統三台爲天階太一躡以上下一曰泰階色齊明而行列相  
類則君臣和法令平不齊爲乖度

分野入南斗十度 周禮保章氏以星土辨九州所封皆有分  
星在列國爲分星在九州爲星土星紀爲越分星爲揚州星

土西漢志斗江湖牽牛婺女揚州東漢志斗玉衡第六星主揚州又吳地斗分野越地牽牛婺女分野晉志斗牽牛須女吳越揚州元志斗四度三十六分六十六秒外吳越星紀之次

明洪武十七年清類天文豫章人斗十度分甯故豫章之地入南斗十度

次舍星紀丑位 周禮保章氏星紀吳越也東漢志吳越其辰在丑晉志自南斗十二度至須女七度爲星紀於辰在丑吳越之分野屬揚州唐志南斗牽牛星紀也夫丑位卽星紀次舍南斗牽牛二星麗焉分甯既入斗十度則其次舍正當在

義甯州志

卷之一

地理志星野

六

星紀

麗南斗第四天相星三台司命下星屬北斗權星 晉書北方

南斗六星天廟也南二星魁天梁也中二星曰天相北二星曰杓天府庭石申云魁第一主吳第二會稽三丹陽四豫章五廬江六九江分甯豫章屬地故云麗第四星宋史上台爲司命中台爲司中下台爲司祿又上台上星主兗豫下星主荆揚分甯古揚州故云司命下星史記天官書二十八舍主十二州斗兼之廣雅云布度定紀分州繫象雍屬魁冀屬樞兗青屬機徐揚屬權荆屬衡梁屬闔揚豫屬搖光分甯揚州地故云屬權星

占候主熒惑星五車星一星經以熒惑主霍揚荆交州又主楚  
吳越分甯古揚州吳越地凡有災祥當於熒惑之所經占之  
史記吳楚之疆候在熒惑占爲烏衡宋史五車在畢宿北東  
南一星曰司空主楚分荆州主五穀豐耗分甯舊屬楚故占  
五穀者必於司空星占驗焉

修永備攷云星土疆域之限氣候祥異之察蓋天經地緯人事  
相與之際三才之用五行之變萬化之所由本矣又曰九州  
星土各有所屬十二國之分載諸傳紀裁祥所應亦皆可驗  
昔魯昭公三十二年吳伐越晉史墨曰越得歲而吳伐之必  
受其凶釋者以爲歲在星紀爲越分星而揚州之星土也

義甯州志

卷之一

地理志 星野

七

上俱方志

氣候

附

甯邑山川盤結林木蓊鬱四時皆有嵐氣春秋爲甚春寒極則  
大雪巖谷間或至尋丈積數十日不消清明斷雪穀雨斷霜  
又有時倏晴倏雨晦明無節

三月三日風無果清明前後夜雨無麥

五月二十五六日大晴大雨皆可占豐年

寒氣襲行四時俗稱三月爲李花寒六月爲茄花寒八月爲木

樨寒

春寒多雨水夏秋寒多旱

五六月多驟雨秋初熱尤甚多防旱嘒云春乾滿倉秋乾絕糧  
春霧晴夏霧雨秋霧亢暘冬霧雨雪霧早散則晴遲散則雨

七八月重陰翳日或至浹旬俗呼爲占天弄天

六月初一日爲蟲生日喜晴十月初一日爲靴生日亦喜晴仲  
春仲秋時一雨輒衣綿袷三日晴則單葛可服

四季不宜甲子雨丙寅晴己卯風俱有驗

正月二十日俗呼寒婆拾柴宜雨

五月十三雨則多旱

立春日喜晴清明宜明穀雨宜雨

三冬晴煖桃李重放不爲異

義甯州志

卷之一

地理志氣候附

八

東虹晴西虹雨虹侵南北多大水

夏秋間陰翳有黃沙瘴着水多毒夏盡有乾風起則損稼日出  
而雨則生蝨西風起則蝨死

處暑白露節夜寒晝熱

俗常於六月朔占本年八月朔占來年以無雲爲豐稔之驗雲  
紅多旱雲黑多水

按星野之義諸說紛紜互相牴牾難以殫述亦無容置辨  
甯縱橫不過三百里以分星計之直得三百六十度之秒  
數晉志豫章入斗十度南昌屬豫章郡甯隸南昌亦從入  
斗十度之文與通志郡志相符不能分星於度分度於秒



以求必合也次舍星紀在丑左近寅之墟但地與萬古不移天星逆行無已自明以來五官正兼據利瑪竇西洋歷法斗已入子則以乾隆庚辰嘉慶庚午歲差積算遲留伏逆推之今又當在斗初箕八度之秒云太史公曰吳楚之疆在熒惑而上台下星荆揚同占甯之災祥不見史冊斗牛諸宿所主休咎特概舉其端緒已耳至一邑之中剛柔異齊寒暖異候亦採風志地者所宜述也故即附於星象之末焉

沿革 表考附

夏

義甯州志

卷之一

地理志沿革

九

禹貢揚州之域

商

艾侯國

按羅泌路史艾商侯爵有艾侯鼎一本作商穆鼎有艾侯

周

艾侯國

按汲冢周書世俘解乙巳陳本命新荒蜀磨至告禽霍侯艾侯俘佚侯小臣四十有六

春秋魯哀公二十年吳公子慶忌出居於艾杜元凱左傳註艾吳邑豫章有艾縣按通鑑綱目前編哀公二十年是爲周元

王元年

元王三年越滅吳盡有吳地艾屬越

顯王三十五年越伐楚楚人敗之盡取吳故地豫章地悉屬楚  
艾屬楚按史記越世家楚破越在顯王四十六年與通鑑互  
異

秦

九江郡

始皇本紀二十三年王剪滅荆虜荆王負芻分天下為三十六  
郡艾屬九江郡

按舊志立表紀年起自周平王以後今自漢高帝五年始

義甯州志

卷之一

地理志沿革

十

紀實也並據史傳加詳焉

紀年

揚州之域

郡

縣

漢

九江郡

艾

高帝五年

按史記高帝五年使人入九江得數縣此時尚沿九江舊名

高祖六年

豫章

史記是年高祖封英布為淮南王錫有九江廬江衡山豫章之地豫章之名始此

高祖十二年

淮南

艾

年吳

史記高祖十一年春英布反次年十月辛丑誅布始封兄子濞為吳王皇太子長為淮南王二國盡有揚州之地

高祖封皇太子長為淮南王兄子濞為吳王二國盡有揚州之地時豫章統縣十八

南昌 廬陵 彭澤 鄱陽 歷陵 餘干 柴桑 艾 新淦 南城 建城 宜春 雩都 鄖陽 南野 安平 贛 海昏

景帝淮南七年

吳

豫章郡

艾

高祖十一年英布反景帝七年

義甯州志

卷之一

地理志沿革

十一

吳王濞又反周亞夫平吳後乃置郡以治之豫章建郡當以景帝七年為始

武帝元封揚州部刺史

艾

五年 史記武帝元封五年置揚州部刺史治丹陽九江豫章廬江會稽又六安一國

新莽

治翰

宜生

漢地理志新莽改為治翰海

昏為宜生

東漢

光武

豫章郡

艾

南昌府盧志載東漢光武復名豫章郡隸揚州縣仍為艾

靈帝  
中平

艾

永脩

雷次宗豫章記謂漢靈帝中平中分海昏建昌立永脩縣後漢郡國志注新吳上蔡永脩並中平立

義甯州志

卷之一

地理志沿革

三

西平縣

樂氏寰宇記西平故城在武甯縣西二百九十里後漢書鄧通西平人即此地也今西平鄉有鄧通故宅遺址

豫章郡

艾

西安縣

按職方乘吳孫權中分新吳海昏立西安縣於高城鄉之西安里屬豫章郡艾如故

獻帝  
建安

四年

孫權割據

晉

太康元年

豫章郡

晉志時豫章統縣十六

艾

西平

永脩

豫章

是年改西安縣

為豫章縣按豫

章縣文獻通考

作豫甯縣晉書

作豫章二書互

異然晉書謝安

封豫章伯宋永

嘉九年追封王

曇首為豫甯侯

俱確有可據今

並存之

義甯州志

卷之一

地理志沿革

三

東晉

江州

艾

永脩

豫章

宋 江州部

豫章郡

艾

宋書豫章統縣十二

豫章

南昌 新淦 建城

永脩

艾 建昌 新吳

望蔡 永脩

吳平 豫章

康樂 豐城

齊 江州部

豫章郡

統縣如故

陳 江州部

豫章郡

艾

永定三年

高祖永定三年  
改置豫甯郡領  
永脩

建昌艾永脩新  
吳豫甯五縣郡  
建於故西安縣  
即今高城鄉西  
安里

隋

洪州部總管府 艾

開皇九年

通考是年革豫  
甯郡置總管府  
永脩

一統志是年省  
永脩豫章新吳  
艾四縣入建昌

義甯州志

卷之一

地理志沿革

古

煬帝大業三年

豫章郡

豫章縣

通考是年革總  
管府復以洪州  
為豫章統縣四  
豫章 豐城  
建城 建昌

唐

洪州總管府

豫章

高祖武德五年

西平

州方志唐高祖  
武德五年隸洪  
州總管府縣曰  
西平

永脩

舊唐書是年於  
建昌置南昌州

武德八年

領建昌龍安永脩三縣  
豫章

西平

永脩

舊唐書是年廢南昌州及孫州以南昌州新吳永脩龍安入建昌以孫州之南昌入豫章縣而以建昌屬洪州

豫章郡

武甯縣

武后長安四年

領縣六

唐書是年析建昌置武甯南昌

地理志沿革

義甯州志

卷之一

五

高安 建昌  
新吳 武甯

府盧志載仍西安故治艾永脩俱入武甯武甯之名始此

景雲元年

豫甯縣

唐書是年改武甯為豫甯

章郡

武甯縣

肅宗寶應元年

唐書是年改豫章郡為章郡

唐書是年避代宗諱復豫甯為武甯

分甯縣

德宗貞元十六年

按一統志十五年觀察使李巽奏請分武甯西入鄉建縣於常

開成三年

豫章郡

分甯縣

洲亥市十六年二月以常洲亥市置分甯縣分甯之名始此宋史郡縣志以縣分自武甯故名分甯方志載貞元三年西平縣廢

西平

方志是年復立西平縣

洪州鎮南軍

分甯縣

方志載梁太祖開平元年天下

天祐元年

義甯州志

卷之一

地理志沿革

六

分爲十一州南有吳淞荆湖閩漢皆歸之是爲吳地按五代史鍾傳傳唐以洪州爲鎮南軍拜傳節度使累封南平王天祐三年傳卒至梁開平三年爲楊隆演所取江西遂入於吳一統志表五代時南昌郡初屬吳楊後屬南唐則梁未嘗有吳地也

南唐

洪州鎮南軍

分甯縣

領縣七  
南昌 豐城



宋

江南西路

洪州鎮南軍

甯縣

建昌  
靖安  
武甯  
奉新  
分甯

領縣八

南昌  
豐城

奉新  
靖安

新建  
進賢

武甯  
甯縣

洪州

分甯縣

太祖  
開寶  
八年

方志載開寶元  
年西平復廢入  
年縣仍日分甯  
又按宋史定縣  
為望緊上中下  
三年一注分甯

義甯州志

卷之一

地理志沿革

為望

建炎  
四年

洪州

義甯軍

州方志云按元  
大一統志張浚  
以分甯知縣陳  
敏識有功請陞  
縣為義甯軍進  
敏識二秩就知  
義甯軍事徐夢  
莘北盟錄云孫  
偉奏得有限分  
甯縣為義甯軍  
治分甯時偉為  
宣撫司機宜宋  
繫年錄及張南  
軒集同東陽王  
象之云不知其  
軍廢於何時亦

未知兼轄何地

隆興元年 江西行中書省隆興總管府

分甯縣

領縣八  
南昌 新建

豐城 進賢

奉新 靖安

分甯 武甯

元

龍興總管府

分甯縣

至元二十一年

元史是年改隆興為龍興隸縣如故

至元二十三年

江西行中書省甯州

分甯縣

元史是年於武甯置甯州轄武地理志沿革

義甯州志

卷之一

六

甯分甯二縣

大德五年

龍興路

甯州

元史是年以分甯縣置甯州武甯縣隸龍興路

大德八年

龍興路

甯州

元史志是年割武甯直隸本路徙州治於分甯

至正十二年

龍興路

甯州

按舊志至正壬辰州治為草寇張普憲等所毀隨又為偽寇陳

友諒據之

明

太祖吳元年

洪都府

甯州

明史壬寅正月改龍興路為洪

嘉靖林志明初壬寅陳友

都府領州縣八隸行中書省

諫平仍襲元

南昌新建

行中書省建

豐城進賢

洪武二年

江西行中書省南昌府

甯州

明史是年改洪都府為南昌府隸州縣如故

洪武三年

江西都衛

南昌府

甯縣

地理志沿革

義甯州志

卷之一

九

與行中書省同治明史洪

明史是年改甯州為甯縣隸南

武三年十二月置江西都

昌領縣八

衛

南昌新建

洪武八年

指揮使司

南昌府

甯縣

改都衛為指揮使司隸縣如故

洪武九年

江西布政使司南昌府

甯縣

明史是年六月改指揮使司為布政使

宏治十六

江西布政使司南昌府

甯州

年

是年陞甯縣為甯州隸南昌府

是年巡撫都御史林俊奏改甯縣為甯州

國朝因之編八鄉八十七里嘉慶六年辛酉奉

旨改為義甯州

州方志曰建置沿革興廢相尋輿地更為裂屬是以為揚州為吳為越為楚為九江淮南豫章江州洪州龍興南昌世殊而代異也附於下者曰艾曰西安曰西平曰豫章豫甯武甯甯縣甯州又皆易世而異治也於戲古之山川今之疆域禮樂衣冠聲名文物之盛時稱巨邦志史攸存是用俟之文獻

修水備考贊曰秦裂封建化為郡縣我甯自艾不知幾變劇哉

義甯州志

卷之一

地理志沿革

三

艾郡莫有先之高山曠野維守甸之

舊方志表附於下者不列海昏永脩按漢靈帝時析海昏建昌立永脩建安四年分新吳海昏立西安是海昏永脩屬古艾地今並列於表從其朔也並附艾西安西平永脩考於左

艾縣考

艾古侯國也羅長源路史云商有艾侯鼎

一本作商穆鼎有艾侯

黃長

容鐘鼎遺文載商艾侯鼎銘云維元祀王命艾侯作鼎曰錫

爾侯豐爾稼穡使爾子子孫孫永保用享汲冢周書世俘解

乙巳陳本新荒蜀磨至告禽霍侯艾侯俘佚侯小臣四十有

六其為侯國無疑左傳哀公二十年吳公子慶忌驟諫吳子

曰不改必亡弗聽出居於艾遂適楚杜預註艾吳邑豫章有

艾縣水經註潁水出豫章艾縣吳公子慶忌諫夫差不納出居於艾是也宋史郡縣志曰分甯古艾地也縣西一百二十里龍岡坪有艾城存焉後漢書劉陵艾人卽此地宋余卞西山十二真君傳許真七靖井贊曰海昏之地府實當陽南昌之州龍安之場上繚艾縣古城之岡今龍坪有龍安寨西平鄉有古城嶺數語已括艾之形勢按艾漢以後爲豫章屬縣高祖十二年豫章領縣十八有艾縣新莽改艾爲治翰光武時豫章郡隸揚州縣仍爲艾吳孫權中分新吳海昏立西安縣屬豫章郡艾如故晉太康時豫章郡統縣十六改西安爲豫章艾如故宋豫章郡統縣十二有艾縣齊豫章郡統縣如故宋劉懷珍齊劉

義甯州志

卷之一

地理志沿革

三

景渙俱封艾縣侯陳高祖改豫章郡爲豫甯郡領縣五有艾縣隋平陳廢豫甯郡置總管府艾始省入建昌舊志稱周平王以後武甯甯州地屬艾子國據路史艾本侯國不得稱子且周室東遷諸侯侵凌政失其柄何暇撫茲南裔遠封艾子其稱艾子國不知何所本括地志載艾屬姑蘇與杜註不合當以杜元凱註爲正按艾據修水上游雄勝之地自商爲侯國幅員必長東西逕數百里上下幾二千年其間爲海昏爲西安爲西平爲永脩爲豫章豫甯建置不常興廢屢更而艾實如故至隋開皇九年艾始省入建昌然則艾之稱名最古而相沿甚久也

西安縣考

職方乘云吳孫權中分新吳海昏立西安縣於高城鄉之西  
安里晉武帝平吳改西安爲豫章因避其諱及考其本紀乃  
諱爲世安續豫章志邑舊名西安寰宇記以爲晉武帝太康  
元年改豫甯宋州郡志云在吳爲要安寰宇記亦云稱古要  
安吳志孫策以太史慈爲都尉討寇劉磐於艾西安孫權以  
潘璋爲西安縣長又以朱然封西安鄉侯要安卽西安之誤  
也江西通志南昌府志俱據太平寰宇記謂武甯爲古西安  
縣而通志古蹟府志建置又俱謂西安故城在縣之高鄉西  
安里考府志疆域武甯無高鄉高鄉在甯州西北舊名高城

義甯州志

卷之一

地理志沿革

三

鄉故府志建置又謂寰宇記載西安故城在分甯縣西二十  
里今高城原正去州二十里又載武甯去洪州三百六十里  
與義甯去省會正合陳永定三年改置豫甯郡唐武后長安  
四年析建昌置武甯俱仍西安故治逮睿宗景雲元年武甯  
復稱豫甯徙治甘羅邨新縣天寶四年始徙於玉枕山前爲  
今武甯地則晉宋齊梁陳之豫章豫甯唐景雲以前之武甯  
實古西安縣孔毅父送郭明叔知分甯詩曰西安瀟灑我常  
遊多自脩川泛小舟黃涪翁清水巖詩曰西安封域中清水  
巖泉好俱指分甯爲西安今高鄉高城原之北曰黃田其塋  
間有古碑四大字曰古西安縣嶙峋屹立又其遺蹟也

西平縣考

漢書地理志豫章郡所領縣有安平無西平樂氏寰宇記云西平故城在武甯縣西二百九十里漢書鄧通西平人卽此縣也隋省但建置未聞漢末何年州方志沿革表列西平縣於漢末又云唐高祖武德五年隸洪州總管府縣曰西平德宗貞元三年西平廢開成二年復立西平縣宋太祖開寶元年西平復廢方志本修水志修水備考自漢迄宋西平興廢瞭然必非無據劉甯拙艾國拾遺西平地接楚尾縣治在焉州北有鳳山彼地亦有鳳凰山州西有獅崖彼地亦有水口獅石石磬城磚土人往往掘井得之杉樹三千重岡疊出爲

義甯州志

卷之一

地理志沿革

三

艾西保障太清一隅水曲山環冷覺齋學士聽月樓遺址尙存古城白沙二嶺設塘制哨相爲犄角水出大磔危灘齒齒山從雲起舟穿石出與崇仁二鄉錯壤焉漢鄧通故宅遺址在西平七十二都子姓尙有居之者劉氏所紀西平形勢如繪按漢立艾海昏後分置西安又析海昏爲建昌晉置豫章永脩二縣而艾海昏建昌如故寰宇記云西平至隋始省自晉宋以來脩江五百里內爲縣有六建置可謂繁密西平雖蕞爾爲通城通山崇陽三縣接壤吳味楚尾山峭水駛實爲輿區建置自古必非無因而先賢舊跡未湮猶可想其遺風餘韻云

永脩縣考

雷次宗豫章記漢靈帝中平中析海昏建昌立永脩縣酈道元水經注循水出艾縣西東北逕豫甯縣又東北逕永循縣卽永脩縣名勝志晉分艾縣置永脩縣以脩水爲名但永脩之置

不在晉而在漢晉書地理志豫章統縣十六宋書豫章統縣十二陳高祖永定二年改置豫甯郡領縣五俱有永脩一統志隋開皇九年革豫甯郡置總管府永脩省入建昌舊唐書志武德五年於建昌置南昌州領建昌龍安永脩三縣八年廢南昌州及孫州以南昌州新吳永脩龍安入建昌以孫州之南昌入豫章縣而以建昌屬洪州按此則永脩至唐時尙

義甯州志

卷之一

地理志沿革

三

存其封爵之可考者晉永脩公國相萬主見范甯表桓伊以破苻堅功封永脩縣侯見晉書宋劉仲容以功封永脩縣侯檀道濟以佐命功改封永脩縣公並見宋書陳陳擬以高祖從子封永脩縣侯見陳書按甯州武甯未分前同爲海昏地靈帝時析海昏建昌立永脩原以源出艾縣修水爲名陳高祖改置豫甯郡領縣五郡建於故西安縣今之高城鄉西安里南史任忠字奉誠汝陰人文帝時官豫甯郡太守永脩爲豫甯縣下游與古艾地接壤均隸豫甯郡故並列於表

常洲亥市考

附

唐貞元十五年李巽奏請於常洲亥市建縣卽今州治地按



青箱雜記蜀有亥市亥音皆言如痲瘡間日一發也諱痲故云亥市寰宇記引邑圖云本常洲之亥市其地凡十二支徐筠脩水志荆吳俗取寅申巳亥日集於市故稱亥市張籍江南曲云江邨亥日長爲市落帆渡橋來浦裏古漁父詩云魚收亥日妻到市醉卧水痕船信風李涪風易鏡古漁獵勝負篇云取魚卦宜二水又云魚宜見水忌土蓋亥子屬水知魚收亥日所自甯志舊本有去市字但稱常洲亥者蓋據許氏說文以亥卽古市字然青箱雜記寰宇記及脩水志俱稱亥市並非亥字卽作市字解常洲如今州治馬洲之洲其稱常州誤也州治古有丁田午水則據方位配以干支稱亥市與

義甯州志

卷之一

地理志沿革

三五

取亥日爲亥市俱無不可也